

Naik 6.7 peratus
kepada RM142.5 bilion
pada Ogos

KUALA LUMPUR

Perdagangan borong dan runcit Malaysia mencatatkan nilai jualan berjumlah RM142.5 bilion, meningkat 6.7 peratus tahun ke tahun pada Ogos 2023.

Menurut Jabatan Perangkaan Malaysia dalam kenyataan pada Khamis, bagi perbandingan bulan ke bulan, nilai jualan meningkat 2.0 peratus.

Ketua Perangkawan, Datuk Seri Dr Mohd Uzir Mahidin berkata, peningkatan 6.7 peratus tahun ke tahun bagi perdagangan borong dan runcit pada Ogos lalu disumbangkan oleh subsektor perdagangan borong yang meningkat 6.2 peratus atau RM3.7 bilion kepada RM63.9 bilion.

Menurutnya, perdagangan runcit juga berkembang 6.3 peratus atau RM3.6 bilion kepada RM60.5 bilion, diikuti oleh kenderaan bermotor dengan peningkatan 9.7 peratus atau RM1.6 bilion kepada RM18.1 bilion.

"Selain itu, peningkatan 2.0 peratus atau RM2.8 bilion berbanding bulan sebelum disumbangkan oleh kenderaan bermotor dengan kenaikan RM1.2 bilion atau 7.1 peratus, manakala perdagangan runcit mencatatkan pertumbuhan positif 1.4 peratus atau RM0.9 bilion dalam tempoh sama.

"Perdagangan borong pula



Peningkatan 6.7 peratus tahun ke tahun bagi perdagangan borong dan runcit pada Ogos lalu disumbangkan oleh subsektor perdagangan borong.

Jualan borong, runcit meningkat

mengembang 1.2 peratus atau RM0.8 bilion berbanding bulan lepas," katanya.

Bagi prestasi mengikut subsektor, Mohd Uzir berkata, pertumbuhan 6.2 peratus tahun ke tahun dalam subsektor perdagangan borong disumbangkan oleh lain-lain pengkhususan jualan borong yang meningkat RM1.5 bilion atau 6.2 peratus kepada RM25.0 bilion.

Mengulas lanjut mengenai subsektor perdagangan runcit, menurutnya, kenaikan 6.3 peratus tahun ke tahun pada bulan ini disokong oleh jualan runcit di kedai bukan pengkhususan yang meningkat 9.2 peratus atau RM1.9 bilion kepada RM23.0 bilion.

"Pertumbuhan tahun ke tahun se-

banyak 9.7 peratus bagi subsektor kenderaan bermotor pada Ogos dipacu oleh jualan komponen dan aksesori kenderaan bermotor yang melonjak 20.7 peratus atau RM0.8 bilion untuk merekodkan RM4.7 bilion.

"Ia diikuti jualan kenderaan bermotor (6.2 peratus) dan penyelenggaraan serta pembaikan kenderaan bermotor (21.6 peratus)," katanya.

Menurut Mohd Uzir, bagi perbandingan bulanan, subsektor itu meningkat 7.1 peratus, didorong oleh jualan kenderaan bermotor (13.2 peratus), jualan komponen dan aksesori kenderaan bermotor (1.6 peratus) dan penyelenggaraan serta pembaikan kenderaan bermotor (1.8 peratus). - *Bernama*